

Министар
Кемал Хрњић

Број 03-02/1-1185-3/25
22. септембра 2025. године
Сарајево

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19), federalni ministar poljoprivrede, vodoprivrede i šumarstva donosi

**PRAVILNIK
O IZMJENAMA I DOPUNAMA PRAVILNIKA O NAČINU
I USLOVIMA OSTVARIVANJA NOVČANE PODRŠKE PO
MODELU POTICAJA PROIZVODNJI**

Član 1.

U Pravilniku o načinu i uslovima ostvarivanja novčane podrške po modelu poticaja proizvodnji ("Službene novine Federacije BiH", broj 43/25), u članu 12. stav (2) tačka b) mijenja se i glasi:

"b) otkupni blok i dokaz o uplati - izvod iz banke, kada kupovinu vrši pravno lice ili obrt od obrta ili od PPG-a".

Iza tačke c) dodaje se nova tačka d) koja glasi:

"d) otkupni blok i dokaz o uplati - izvod iz banke kada kupovinu vrši PPG od obrta, a za kupovinu teladi i prasadi od drugog PPG-a, dostavlja dokaz u skladu sa posebnim uslovima propisanim za datu mjeru u okviru animalne proizvodnje.

U stavu (3) tačka b) mijenja se i glasi:

"b) otkupni blok otkupljivača na ime klijenta i dokaz o plaćanju - izvod iz banke kada prodaju vrši obrt koji nema fiskalnu kasu ili PPG, a kupac je pravno lice ili obrt".

Član 2.

U članu 15. stav (1) tačka c) iza riječi "kultura" tačka-zarez zamjenjuje se zarezom i dodaju se riječi: "a za proteinski grašak najmanje 1,5/ha".

Član 3.

U članu. 46. iza stava (3) dodaje se novi stav (4) koji glasi: "(4) Za odredbu iz člana 10. stav (5) koja se odnosi na dostavu zahtjeva zajedno sa obračunom od strane kantonalnih ministarstava Federalnog ministarstvu najkasnije do 20.10. tekuće godine produžava se rok dostave do 05.11. tekuće godine". Odredba iz ovog stava odnosi se samo na 2025. godinu.

Iza stava (4) dodaje se novi stav (5) koji glasi: "(5) Za proizvodnje iz čl. 31. i 36. koje su započete prije stupanja na snagu ovog pravilnika, a obuhvaćene su članom 9. Programa novčanih podrški u poljoprivredi i ruralnom razvoju za 2025. godinu ("Službene novine Federacije BiH", broj 26/25), klijent PPG kao dokaz za kupljenu telad/prasad iz domaćeg uzgoja od obrta dostavlja fakturu na ime klijenta, a za kupovinu od PPG-a dostavlja kopiju pojedinačnog ili skupnog obrasca za prijavu kretanja teladi/prasadi (Obrazac C) i kopije svjedodžbi o zdravstvenom stanju.

Član 4.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 03-02/1-1185-3/25
22. septembra 2025. godine
Sarajevo

Ministar
Kemal Hrnjić

**SLUŽBA ZA ZAJEDNIČKE POSLOVE
ORGANA I TIJELA FEDERACIJE
BOSNE I HERCEGOVINE**

1711

Na osnovu člana 28. Uredbe o dodjeli zamjenskih stanova, obnovu ranije zaključenih ugovora o korištenju stanova i dodjelu stanova na korištenje iz stambenog fonda prijašnjeg Federalnog

ministarstva odbrane i Vojske Federacije Bosne i Hercegovine ("Službene novine Federacije BiH", broj 10/13 i 05/14), direktor Službe za zajedničke poslove organa i tijela Federacije Bosne i Hercegovine donosi

RJEŠENJE

**O IMENOVANJU PRVOSTEPENE STAMBENE
KOMISIJE ZA DODJELU ZAMJENSKIH STANOVA,
DODJELU STANOVA I OBNOVU RANIJE
ZAKLJUČENIH UGOVORA O KORIŠTENJU STANOVA
IZ STAMBENOG FONDA PRIJAŠNJEG FEDERALNOG
MINISTARSTVA ODBRANE I VOJSKE FEDERACIJE
BOSNE I HERCEGOVINE**

I.

U Prvostepenu stambenu komisiju za dodjelu zamjenskih stanova, dodjelu stanova i obnovu ranije zaključenih ugovora o korištenju stanova iz stambenog fonda prijašnjeg Federalnog ministarstva odbrane i Vojske Federacije Bosne i Hercegovine, imenuju se:

1. Fahrudin Džafić, šef Odsjeka za stambene poslove - predsjednik komisije,
2. Aida Kušmić, pomoćnik direktora u Odjeljenju za normativno-pravne, opće i kadrovske poslove - član komisije,
3. Muharem Čogić, šef Odsjeka za unutrašnje osiguranje objekata i protivpožarnu zaštitu - član komisije,
4. Arijana Kurspahić, stručni savjetnik za opće i kadrovske poslove - član komisije,
5. Nataša Filipović, stručni saradnik za ljudske resurse - član komisije.

Administrativne i tehničke poslove za komisiju obavljat će Amina Pleho, viši referent-tehnički sekretar.

II.

Komisija iz tačke I. ovog rješenja imenuje se na period od jednu godinu počev od 01.10.2025. godine.

III.

Zadatak Komisije iz tačke I. ovog rješenja je rješavanje po zahtjevima za dodjelu zamjenskih stanova, obnovu ranije zaključenih ugovora o korištenju stanova i dodjelu stanova na korištenje koji su iz stambenog fonda prijašnjeg Federalnog ministarstva odbrane i Vojske Federacije Bosne i Hercegovine.

IV.

Komisija je samostalna u svom radu i dužna raditi u skladu sa Zakonom o prestanku primjene Zakona o napuštenim stanovima ("Službene novine Federacije BiH", broj 11/98, 38/98, 12/99, 18/99, 27/99, 43/99, 37/01, 56/01, 15/02, 24/03, 29/03 i 81/09), Zakonom o stambenim odnosima, Uredbom o dodjeli zamjenskih stanova, obnovu ranije zaključenih ugovora o korištenju stanova i dodjelu stanova na korištenje iz stambenog fonda prijašnjeg Federalnog ministarstva odbrane i Vojske Federacije Bosne i Hercegovine ("Službene novine Federacije BiH", broj 10/13 i 05/14) i Uputstvom Federalnog ministarstva prostornog uređenja za dodjelu zamjenskih stanova ("Službene novine Federacije BiH", broj 26/10).

V.

Za rad u komisiji predsjedniku, članovima komisije i tehničkom licu, isplatit će se novčana naknada u skladu sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodilaca federalnih organa državne službe ("Službene novine Federacije BiH", broj 48/14, 77/14, 97/14, 58/15, 57/23 i 28/24).

Visina naknade utvrdit će se posebnim rješenjem.